



**Nærøyfjorden  
verneområdestyre**

## **Møteinkalling**

---

**Utval:** **Nærøyfjorden verneområdestyre**

**Møtestad:** Quality hotell, Sogndal

**Dato:** 04.04.2024

**Tidspunkt:** 13:45

---

Eventuelt forfall må meldes snarast til verneområdeforvaltar. Vararepresentantar møter etter nærmere beskjed.

Audun Mo har meldt forfall. Frøydis Helland blir kalla inn som vara.  
Både medlem og vara frå Vestland fylkeskommune har meldt forfall.



## Saksliste

Utvalgs-saksnr	Innhold	Lukket	Arkiv-saksnr
ST 15/24	Godkjenning av innkalling og dagsorden		
ST 16/24	Val av styremedlem til å skrive under protokollen		
ST 17/24	Orienteringar og referatsaker		
RS 7/24	Løyve - Nærøyfjorden landskapsvernområde - Drægo til Hjølmo - motorferdsel vinterføre - transport av utstyr - Dyrdal fjordarv		2023/3038
RS 8/24	Løyve - delegert sak - Nærøyfjorden landskapsvernområde - Fjellheimen - motorferdsel, lågtflyging - villreinteljing - villreinutvalet		2024/3701
RS 9/24	Klage på vedtak - Avslag på midlar til tiltak i Nordheimsdalen naturreservat - Aurland Fjellstyre		2023/17301
ST 18/24	Nærøyfjorden verneområdestyre - delegering av vedtaksmynne til forvaltarane		2024/4359

**ST 15/24 Godkjenning av innkalling og dagsorden**

**ST 16/24 Val av styremedlem til å skrive under protokollen**

**ST 17/24 Orienteringar og referatsaker**

**RS 7/24 Løyve - Nærøyfjorden landskapsvernombordet - Drægo til Hjølmo -  
motorferdsel vinterføre - transport av utstyr - Dyrdal fjordarv**

**RS 8/24 Løyve - delegert sak - Nærøyfjorden landskapsvernombordet - Fjellheimen -  
motorferdsel, lågtflyging - villreintiljing - villreinutvalet**

**RS 9/24 Klage på vedtak - Avslag på midlar til tiltak i Nordheimsdalen naturreservat  
- Aurland Fjellstyre**



Arkivsaksnr: 2024/4359-0

Sakshandsamar: Jorunn Vallestad

Dato: 20.03.2024

Utval	Utvalssak	Møtedato
Nærøyfjorden verneområdestyre	18/24	04.04.2024

## Nærøyfjorden verneområdestyre - delegering av vedtaksmynne til forvaltarane

### Innstilling frå forvaltar

Nærøyfjorden verneområdestyre delegerer vedtaksmynne til forvaltarane i dispensasjonssaker etter verneforskriftene for Nærøyfjorden landskapsvernombord, Bleia-Storebotnen landskapsvernombord, Nordheimsdalen naturreservat, Bleia naturreservat, Grånosmyrane naturreservat og Geitanosi naturreservat.

Delegasjonen gjeld fylgjande sakstyper:

1. Saker etter dei spesifiserte dispensasjonsreglane i verneforskriftene om ferdsle og motorferdsle i fylgjande verneforskrifter:
  - Verneforskrift for Nærøyfjorden landskapsvernombord § 3 punkt 2.3
  - Verneforskrift for Bleia-Storebotnen landskapsvernombord § 3 punkt 5.3
  - Verneforskrift for Bleia naturreservat § 5 punkt 4
  - Verneforskrift for Nordheimsdalen naturreservat punkt VI nr. 1 og 4
  - Verneforskrift for Grånosmyrane naturreservat punkt VI nr. 2
  - Verneforskrift for Geitanosi naturreservat § 7 bokstav f og l
2. Saker etter dei andre spesifiserte dispensasjonsreglane i verneforskriftene og etter naturmangfaldlova § 48 der :
  - det dreier seg om fornying av dispensasjon gjeve av styret, og føresetnadane er tilnærma uendra
  - det føreligg etablert forvaltningspraksis frå saker handsama av styret i tilsvarende saker
  - forvaltningsplanen gjev eintydige føringar for utfallet
3. Vedtak i samråd med styreleiar når ei sak hastar på grunn av fare for skade eller annan negativ verknad på verneverdiane, t.d. stans av ulovlege forhald, pålegg om retting eller direkte gjennomføring.
4. Handsame søknadar om å endre fristar fastsett av verneområdestyret, eller endre fristar på eige initiativ.
5. Utsette klagefrist etter forvaltningslova § 29, fjerde ledd.
6. Treffe avgjerd om utsett iverksetjing etter forvaltningslova § 42.



## 7. Sende saker til Miljødirektoratet med tilråding om å ilegge overtredingsgebyr.

Delegasjonsvedtaket er gjort med heimel i punkt 6.3 i Vedtekter for nasjonalpark-/verneområdestyrer oppnevnt i medhold av naturmangfoldlova § 62, fastsett av Miljødirektoratet 19.01.2024.

Ved tvil skal forvaltar drøfte saka med styreleiar. Det skal kome fram av saksutgreiinga dersom forvaltaren treffer delegerte vedtak i saka. Alle delegerte vedtak skal refererast for styret. Klage på delegerte vedtak skal sendast til ny handsaming i styret.

## Saksopplysningar

Dokument i saka:

- Vedtekter for nasjonalpark-/verneområdestyrer oppnevnt i medhold av naturmangfoldloven § 62, fastsett av Miljødirektoratet 19.01.2024.
- Rettleiar frå Miljødirektoratet for oppfølging av ulovlege forhold i verneområdet, M-2692, 2024.
- Informasjon om overtredelsesgebyr etter naturmangfoldloven, Miljødirektoratet, 21.06.2022
- Forvaltningsplan for Vestnorsk fjordlandskap delområde Nærøyfjorden – rapport nr. 1 - 2008

I vedtektena for Nærøyfjorden verneområdestyret er det gitt moglegheit for delegering av mynde til forvaltarar. Styret har tidlegare gjort vedtak om delegert mynde til forvaltarar for dei verneområda styret har hatt forvaltningsansvar for.

Det vart i januar 2024 sendt ut nye vedtekter gjeldande for alle nasjonalpark-/verneområdestyre. Dersom forvaltarane framleis skal kunne handsame saker delegert, må denne delegeringa fornyast med heimel i dei nye vedtektena.

I dei nye vedtektena er det lista opp fleire saker det er aktuelt å gje forvaltarane delegert mynte til å gjere vedtak i, enn kva det var i dei førre vedtektena frå 2020. Forvaltar foreslår å utvide delegeringsmyndet til å gjelde alle sakstypene som det står i dei nye vedtektena at verneområdestyret kan gje forvaltarane vedtaksmynde i. Det som er nytt er punkt 3-7 i innstillinga. I tidlegare delegeringsvedtak har verneområdestyret delegert vedtaksmynde til forvaltarane til sakene nemnt i punkt 1 og 2 i innstillinga.

## Vurdering

Verneområdestyret har delegert vedtaksmynde til forvaltarar i kurante saker sidan 2013. Dette gjev ein rasjonell og effektiv forvaltning.

Verneområdestyret har sidan opprettninga av styret i 2012, handsama mange saker som har gjeve forvaltningspraksis i området. I tillegg gjev forvaltningsplanen klare retningslinjer for forvaltning i mange saker.



Mange av sakene som blir handsama delegert er søknader om motorisert transport av materiale til vedlikehald av stølshus, og transport av ved og utstyr til hytter og stølshus. Slike saker har klare retningslinjer i forvaltningsplanen for Nærøyfjorden. Fornying av dispensasjonar som styret har gjeve med heimel i verneforskriftene eller naturmangfaldlova § 48, er døme på kurante saker som har vore delegert til forvaltar. Andre døme på kurante saker er søknad om motorferdsel i samband med bygg og installasjonar som styret har gjeve dispensasjon til.

Forvaltar rår til at det kan delegerast vedtaksmynde til forvaltar i tråd med delegeringsmynde i vedtekten til styret for saker der forvaltningsplanen gjev klare retningslinjer, eller styret har behandla tilnærma like saker. Forvaltar skal diskutera saker med styreleiar dersom forvaltar er i tvil om det er ei kurrant sak. Alle saker av prinsipiell karakter skal leggjast fram for verneområdestyret til avgjerd.

Forvaltar synes dei nye delegeringspunktata foreslått i vedtekten er fornuftige tillegg til tidlegare delegeringsmynde. Det hender allereie at det blir gjort hastevedtak i samråd med styreleiar som omtalt i punkt 3. Endring av fristar som i punkt 4 og 5 og avgjerd om utsett iverksetjing (punkt 6), verkar og fornuftig å kunne gjere utan å måtte innkalle heile styret til møte.

Bruk av overtredelsesgebyr er ein relativt ny måte å reagere på ulovlege tiltak i verneområde på. Overtredelsesgebyr blir brukt til å sanksjonere mindre alvorlege lovbroter som ikkje er så alvorlege at det er aktuelt å melde dei til politiet. Dermed kan dei mindre alvorlege lovbrota få ein rask og effektiv reaksjon som kan gje ein allmennprevantiv effekt. I eit informasjonsbrev frå Miljødirektoratet skriv dei følgjande:

*Ileggelse av overtredelsesgebyr bør skje raskt, slik at overtrederen får en rask reaksjon. Dette vil virke mer preventivt enn om overtredelsesgebyret kommer lenge etter at lovbruddet er gjennomført. Nasjonalpark- og verneområdestyrer kan delegere til sine forvaltere adgangen til å sende over saker til Miljødirektoratet med sikte på overtredelsesgebyr. Vi anbefaler at dette gjøres for å sikre en mest mulig effektiv saksgang.*

På bakgrunn av denne tilrådinga frå Miljødirektoratet, foreslår forvaltar å inkludere oversending av saker om overtredelsesgebyr på lista over saker forvaltarane kan handtere delegert. Det vil likevel vere mest naturleg å diskutere slike saker med styret eller styreleiar fram til det er innarbeida ein god forvaltningspraksis på kva saker som bør sendast over.